

不傷人而只破醬釜矣成均館庭栢雷震事則禮曹不即啓達故已令推之此與文宣王廟庭無異予欲親祭但 慈殿脾胃不和似異於平

時何以為之分遣史官收議于三公○臺諫啓前事不見○政院啓曰即招成均館官負問明倫堂庭栢雷震之狀則曰昨日申時風雨晦冥見有如盆之火上下其樹開霽後觀之則栢株腰上長一尺廣三寸許剥皮而已不傷枝葉云耳

戰後枝葉先自黃落不數月間枯死

傳曰知道○三公議雷震

學宮之樹災變大矣

聖心警惕欲親祭先聖至誠切矣但因

慈殿稍失節宣方視膳藥精意未專於行祭似未穩遣官致祭未爲失矣傳曰知道○夜有氣如火○壬戌傳曰 慈殿氣候只未如常而已

左手斲有浮證而自今始歇但近來外宗宰及政院冒雨逐日問安

慈殿深以為未安今後皆勿問安○臺諫啓前事又啓曰今月初九日

夜地震而觀象監不入啓地震災變之大者大抵近來如此等官至為陵

夷不察職事請各別推考答曰觀象監官負詔獄推之餘皆不見○忠清

道稷山縣雷震人有死傷○癸亥臺諫啓前事不見○日暈兩珥○甲

子三公議啓曰備邊司革罷事臺諫所啓亦當但我國受敵三面九宰

相或知西北方事而不知南方事或知南方事而不知西北方事若遇